

HAYOTGA MUHABBAT

Erkinova Sevinch Muzaffar qizi

Alisher Navoiy Nomidagi Toshkent Davlat
O‘zbek tili va Adabiyoti Universiteti talabasi

Sevincherkinova80@gmail.com

Annotatsiya: Hayot – insonga berilgan eng oliy ne‘mat. Hayotga muhabbat va hayotda qanday yashab o‘tish ham insonning o‘ziga bo‘g‘liq.

Kalit so‘zlar: Jek London, hayotga muhabbat, ishonch, kuch, munosabat.

Abstract: Life is the highest gift given to man. Love for life and how to live in life depends on the person himself.

Key words: Jack London, love for life, confidence, strength, attitude.

Kirish. Hayotga muhabbat bu ikki so‘z orqasida nimalar borligi kitobxonga ayon. Jek London bu hikoyasi orqali nimani nazarda tutgan ? Keling bu hikoyani eslasak Amerika kashf qilingandan so‘ng insonlar yaxshi yashash uchun hayotda moddiy taraflama zor hayot kechirish uchun borgan .Lekin afsuski ko‘pchiligi halok bo‘lgan .Bu hikoyada ham kitobxonga shu manzarani tasavvur qilishi uchun hamda o‘ziga xulosa chiqarishi uchun qo‘yilgan. Ikki yigit oltin yig‘ish maqsadida yo‘lga chiqar ekan ular ko‘p mashaqat chekishadi . Bu hikoyada Billning o‘limi, yigitning sabrini hattoki bo‘rining ham hayotda yashab qolishi uchun kurashishini ko‘ramiz .

Azaldan insonlar, hayvonlar, qushlar barcha tirik organizmlar yashash uchun kurashadi .Kurashish uchun juda katta sabr talab etiladi. Negaki, biror narsaga erishmoqchi bo‘lsangiz ham harakat qilamiz va u narsani sabr bilan kutamiz. Jek London insonlarning harakterini ,bir-biriga munosabatini ulardagi har xil vaziyatlarga duch kelganda nimalar qila olishini yaqol ko‘rsatib bergan.

Bilamanki, bu hikoyani o‘qigan inson o‘ziga tog‘ri xulosa chiqara olgan . Chunki, menda ham xudi shunday holat bo‘lgandi. Esimda bu hikoyani o‘qiganimda 6-sinfda edim . U payt ko‘p narsani yoshimga yarasha fikrlash bilan tushunganman. Yillar o‘tgandan so‘ng umuman boshqacha dunyo qarash bilan tushundim . Shuni anglab yetmki, vaqti keladi sizga hozirgi kunda yordamlashgan insonlar sizga kerak bo‘lganda yoningizda bo‘lmasligi mumkin.

Bu asarni har qanday kitobxon o‘qisa o‘ziga bo‘lgan ishonchini va hayotida yashash uchun kuch topadi. Har qanday asar o‘qilishi mumkin lekin hammasi ham insonlarga ta‘sir o‘tkazmaydi va bu asar insonlarga o‘z ta‘sirini o‘tkazmasdan qolmaydi.

Hayot-aslida bu tushuncha keng tarmoqli negaki, unda ijobiy hamda salbiy tomonlari bor. Chetdan qaraganda hammasi oddiy tuyilishi mumkun lekin hammasi murakkabdek nazarimda. Hayot tushunchasiga yana boshqa bir tushuncha ya‘ni muhabbat so‘zi kiritilganda ular shunchaki ikki so‘z insoni boshqa bir hayollarga borishini yaqol ko‘rsatib beradi.

Inson hayoti davomida yaxshi va yomon kechinmalarni boshidan o‘tkazadi. Shunday paytlar bo‘ladi ba‘zida kimdandir nimanidir kutamiz yoki nimadandir umid qilamiz. Mening nazarimda bularning hammasi odatiy tushunchalar. Albatta hammasi o‘tkinchi barchasiga sabr bilan duo qilib eng hayrlisini kutish eng afzalidir. Men hayotim davomida qanchalik darajadagi to‘siqlarga uchradim lekin men eng hayrlisini kutishga odatlandim. Mening eng sevimli o‘qituvchim Abdurasulova Mehrixon ustozimning eng ko‘p ishlatadigan so‘zlaridan biri “ Har bir ishda hikmat bor”. Bu oddiy ko‘ringan so‘zlar aslida hayotga bo‘lgan ishonchini qaytarishda yordamlashadi men shunday deb bilaman. Aslini olganda ham shunday emasmi? Hayotda yutqazgan joyingizdan boshlashingiz uchun ham atrofdagilarni sizga bo‘lgan e‘tibori, ishonchi, muhabbati siz uchun albatta muhim .

Insoniyat tug‘ilibdiki, hayotda o‘z o‘rni uchun kurashib keladi yoki bo‘lmasa, yashash uchun kurashadi. Keling insoniyatning yashab qolish uchun kurashishiga qarajak bu eng to‘g‘riligiga boshqa birliklardan tubdan farq qilishidadir. Nega aynan

shunday bu hikoyada yaqol ko‘rsatilganidek har bir inson o‘zi uchun kurashib biror-bir natijaga erishmasada, lekin yashash uchun kurashadi.

Bilamizki, insonlar hayoti davomida to‘siqlarga uchraydi. Bu har qanday kuchli insoni ham kuchsiz insoni ham sabrini sinovdan o‘tqazadi. Hozirgi kuning dolzarb mavzularidan biri nega insonlarda hayotga bo‘lgan muhabbat yoqolib joniga qasd qilishgacha yaqinlarini hayotini xafv-hatarga qoyish, o‘tish davridagi o‘smirlarning xatosi ,tamaki maxsulotlariga o‘rganib qolishgacha bormoqda. Ho‘sh sizlarni ham shu kabi muamolar qiynaydimi? Hayot bunchalar ham beshavqat yoki ko‘zimga qorong‘u va shu kabi so‘zlarni eshtasizmi? Meni o‘ylashimcha bularning hammasi iymonsizlikdan .Insonlarning iymoni, sabri kuchli bo‘lsa, u hayoti davomida yuqoridagi holatlarga duch kelmaydi. Bu so‘zlarim oddiy tuyilishi mumkundir balkim bu gaplarni etishga yoshlik qilarman lekin shu voqealarni deyarli har kuni ko‘rganimdan meni qo‘rqitadi. Nahotki, insonlar majoziy ma’noda aytganda jarlikka qarab ketmoqda.

Yaqinda bir holatga ko‘zim tushdi 6-sinf o‘quvchisi tamaki mahsulotidan foydalandi.Ko‘rishim bilan qiziqdim bunga sabab nima nega yosh maktab o‘quvchisi bu ishni qilishi qiziqtirdi. U bola aytdiki siz meni hayotimni qanchalar qiyinligini bilmaysiz uyimga borgim yo‘q har kuni urush-janjal bilan kunim o‘tadi shunga majbur bo‘ldim deb javob qaytardi.Men shuni angladimki insonlarrning bir-biriiga munosabatini ham, hayotidagi tosiqlar ham,oilalarning ajrashib ketishi moddiy tomonlama ehtiyoji kataligidan deb bilaman. Bu moddiy ehtiyojlarni hech birimiz inkor eta olmaymiz. Negaki yashashimiz uchun, hayotga bo‘lgan muhabbatimizni ham shu narsa belgilab bermoqda .Bu hikoyada ham insonlarning moddiy tomonlama ehtiyoji borligidan oltin yig‘ish uchun jonini xatarga qo‘ygan. Hozirgi kunga kelib bu hodisa keng tarqaldi.

Xulosada shuni aytamanki, shu maqolamni o‘qiyotgan siz insonlar bu mavzuni keng oma oldiga olib chiqing, insonlarga tarqating, hech bo‘lmaganda yon atrofdagi insonlarga hattoki ozingizga hayotga bo‘lgan ishonch, muhabbatni qaytarishga va mustahkam qilishga sababchi bo‘ling.